



VIRGA PASTORIS MINOR.

Dipaci con sideratio.

Virga pasto ris duplex.

Syluatici hal lucinatio.

Dipaci uires ex Galeno.

Nomina.

animos



DIPSACVS aculeatarum generis est. Caulem habet altum, spinis horridum: folijs lactuca, spinosis, binis, genicula singula complectentibus, prælongis, ceu quasdam bullas intus, & extra aculeatas, in dorli medio habentibus, concauo alarum sinu, in quo imber, aut ros asseruetur: vnde dipsaci, quasi sipientis, nomen traxit. In cacumine caulis, singula surculis capitula insunt, oblonga, echinata spinis: quæ aresacta, candida spectantur, dissectaque medulla tenuis, vermiculos ostendunt. Sanat rimas sedis, fistulasque, si tusa, & decocta in vino radix, usque dum sit crassitudo ceræ, immittatur. Medicamentum ærea pyxide recondendum. Aiunt formicationibus, verrucisque pensilibus remedio esse. Vermiculi capitularū in folliculo alligati collo, aut brachio appensi, produntur quartanis febris remedio esse.

DIPSACVS, quem Latini Labrum Veneris vocant, in Italia uulgaris est planta, ijs præcipue locis, ubi lanificia exercentur. Siquidem echinato eius capitulo mangones rudem adhuc pannum peclunt, expolunt, detractisq; floccis concinnant. In Hetruria Dipsacum uulgo appellant Cardo da cardare, Foroiuenses uero Garzo. Seritur is hodie in compluribus Italiae locis, præsertimq; in agro Bononiensi, singulari à cultoribus exhibita diligentia. Sed & sylvestris quoq; sponte in campestribus, in agrorum, & serobium aggeribus, in ijs iuxta sepes frequentissimus nascitur, nullis prorsus repugnantibus notis, quas illi reddidit Dioscorides. Inuenitur autumni tempore (ut experientia quenque docere potest) in eius capitulo iam exarfacto, medullitusq; dissecto uermiculus ille, quem collo adaligatum quartanis febribus remedio esse produnt, pescatoribus hamo affigendus maximè expeditus: et si Marcellus Dioscoridis interpres, & commentator, uermiculum hunc nunquam sibi compertum fuisse scribat.

Dipsacus officinalis, & herbariorum uulgo Virga pastoris maior nominatur. Quippe minorem etiam illius emulam ostendunt: quanquam non adeò striato caule, ac spinis horrido constet, folijs item infirmioribus sit, & capitibus multò minoribus, ut que oiliæ magnitudinem non excedant. Sunt autem huius capitula tenuibus capillis referta, ita ut sericeis uiridi colore infectis floccis similia uideantur. Cæterum animaduertendum est, neutrum Dipsaci genus, quod tum Serapioni, tum Aueniæ describitur, esse Virgam pastoris. Quandoquidem ijs, quantum ex eorum scriptis colligere potui, Pastoris uirgam nil aliud esse putauerim, quam polygonum, cuius tam scemina, quam maris historiam libro quarto tradidit Dioscorides. Quapropter illud mihi semper persuasum uelim, quod non à Mauritanis Dipsaco Virgæ pastoris nomen inditum sit, sed à seplastarijs ijs, qui suis potius pandectis, quam cæteris castigatisq; & probatisq; scriptorum monumentis, fidem prestat consueuerunt. Namq; Mathæus ille Syluaticus pandectarum auctor, Dipsacum Virgam pastoris appellat: qui inde in grauiorem errorem lapsus, Dipsacum ipsum cum polygono turpiter confundit, utpote qui illud asequi non potuerit, quod Arabum Pastoris uirga, esset Dioscoridis polygonum, non autem Dipsacus: qui quidem tantum à polygono differt, quantum leprores ab urbis. Dipsaci meminit Galenus lib. v. i. simpl. med. his paucis. Dipsaci spinæ radix secundo ordine exiccatoria est, habetq; nonnihil absteriorum. Planta, quæ Græcis διψακος, Latinis Labrum Veneris nominatur: Mauritanis, Dibfacos: Italies, Cardo, & Diffaco: Germanis, Kartendistel, Garden kraut, Buonstrel, & Yueber karten: Hispanis, Cardencha, Cardo penteador: Gallis, Cardon à carder, & Verge à bergier.

Anærboz

Αχαΐα λευκή. SPINA ALBA.

CAP. XII.



SPINA alba nascitur in montibus, & syluos. Folia fert albi chamaeleonis, angustiora, candidiora, ali- quantum hispida, & aculeata: caulem supra bina cubita altum, pollicari, aut ampliore crassitudine, albican- tem, intus cauum: in cacumine capitulum inest spino- sum, echini marini æmulum, sed minus, & oblongum: flores purpurei, in quibus semen, ceu enicum, sed ro- tundius. Huius radix pota, cæliacis, stomachicis, & ijs, qui cruenta extusint, efficax est: vrinam cit: tu- moribus illinitur. Decocto eius dentes in dolore collui prodest. Epotum semen conuulsis infantibus, & à fer- pente demorsis auxiliatur. Gestatum pro amuleto ser- pentes abigere traditur.

SPINAM albam seplasarij Arabas (ut plerunq; solent) imitati, Bedeguar appellant. Sed non parua inter hos, & medi- cos oritur contentio, quenam in aculeatarum genere, quas plu- rimas genuit natura, Spina alba legitimè, notis omnibus adstipu- lantibus, appellari posit. Verum eti tantam item transfigere nequeant; interim tamen pro Spina alba alijs alias herbas osten- tant, & quisq; suam ueram existimat. Quandoquidem sunt eo- rum complures, qui sibi certò persuadent, Spinam albam eam a= culeatam herbam esse, quam aliqui Carduum benedictum uocant, alijs uero uulgò herba Turca. Sunt alijs, qui Carlinam uocatam, id est album chamaeleontem, Spinam albam esse contendant. In- ter quos inuenio monachos, qui in Mesuem scripserunt, quorum sententiam, superius in chamaeleontis utriusq; mentione, ut fal- lam reprobauimus. Sunt præterea, qui Spinam albam esse uelint

Spinæ albae
consideratio.

echinatam illam, ac spinis rigentem herbam, que Hetruscis in la-

ete cogendo coaguli uicem explet. Non desunt insuper qui unam, uel alteram sylvestrem, ac spinis horrentem plan- tam, pro Spina alba nullo discrimine accipiunt. Quo fit, ut omnes ij nullo ueritatis lumine dulci, in huiusmodi tene- bris oberrent. Errat, meo quidem iudicio, hac in re Leonardus Fuchsius & tatis nostræ medicus altoqui clarissimus: quippe qui ultimo suorum paradoxorum capite, Spinam albam eam aculeatam herbam appellat, que omnium in uni- versam aculeatarum plantarum generum amplissimis constat folijs, late humi se spargentibus, ac crebris, albisq; seu lacteis tota conspersa maculis. Vnde apud quosdam Lactariae herbe nomen adiuuenit, eti à quam plurimis, præser- tim mulierculis, Carduus diuæ Marie dicatur. Hallucinatur inquam, pace eius dixerim, eo quod non animaduerte- rit, hanc folijs albi chamaeleonis triplo, quadruploq; maioribus in campstri planicie nasci, ut nostra testatur Hetrus- ria, ubi pañum frē frequens nascitur, non autem in montibus, ac syluis, ubi Spina alba Dioscoridis testimonio proue- nit. Ego uero, qui à Dioscoride ne latum quidem unguem recedere soleo, in syluos montium iugis spinam albam le- gittimam oriri, mibi inibi compertam suisce existimo, folijs albi chamaeleonis similibus, angustioribus tamen, ac candi- doribus, subhirsutis, spinis rigentibus: caule uero bicubitali, pollicari, uel ampliore crassitudine, subalbo, & inani: in cuius cacumine echinus subalbidus insidet, sed minor, & oblongior, purpureis intus floribus, & semine enico simili. Huic planè descriptioni, que etiam Dioscoridis est, adstipulantur frequentissime plantæ, que suis echinis, ac spinis rigentes, in excelsioribus Ananis uallis montibus lariceis, abiegnis, & piceis sylvis refertis Iulio mense uisuntur. Quapropter, ut que ad eos pertinent, recti agant seplasarij, uideant, sciantq; non in planicie, & conuallibus Spinam albam proueniare, sed in montibus: quorum si quandoq; tum cacumina, tum sylvas adire non gruabuntur, procul du- bio non magno etiam labore ipsam nanciscuntur, quemadmodum & ego inibi eam se pessime reperi. Hæc enim non mo- do seplasarij maxime conduceat, ut legitimam Spinam albam suis compositis medicamentis immisceant; uerum & eo- rum errorem deprehendent (in hoc etiam Ruellius uersatur) qui sibi persuadent, Spinam albā illud esse cardui genus, quod à Tuscis, eo quod (ut paulo ante diximus) coaguli uicem præstet, uulgò uocatur Presura. Error autem ijs facile deprehendetur, si illud adnotare uoluerint, quod aculeata hæc planta in hortis pañum seratur, folijs albo chamaeleonti longè maioribus: & capitula serat, que marinum echinum non parum excedant. Commisso Mesues spinam albam, ac etiam Arabicam, quarum alteram suo idiomate Bedeguar, alteram uero Suchaa appellavit, syrupo de eupatorio uocato, quem miris Laudibus extulit ad diurnas febres finiendas, ad eas præsentim, quibus naturalia uiscera, nempe ventriculus, & iecur imbecillia sint redditæ; & ubi à sua naturali temperie recesserint. Cuius tamen sententia non parum refragatur Musa Ferrarensis: quippe qui longo sermone contendat, nec Arabicam, nec albam spinam huic syrupo admiscendam esse, quod utraq; adstrictoria ui pollet, que (ut ipse ait) syrapi huius intentionibus admodum repugnat, cum ad diurnas obstrunctiones tantum reserandas, semper huius apud medicos fuerit usus. Qua in re non

Quorundam

error.

Braſiuoli ca-
lumnia cōtra
Mesuem.

solūm

solum ostendit Musæ auctoris mentem non percepisse, sed nec etiam in hoc (pace uiri aliqui clarissimi dixerim) exactam curandorum morborum rationem calluisse. Nam cum Mesues syrum hunc composuit ad illas curandas febres, quibus naturalia uiscera imbecilla sunt redditæ, optima componendi methodo tam Spinam albam, quam Arabicæ illi inservit, utpote que adstrictoria ui, qua pollutæ, languida illa, ac infirma membra, plurimum roborarent. quibus incommodis solent periui, ac docti medici ijs medicamentis occurrere, que odore fragrantia adstrictoria facultate commendantur. Hinc itaque facile intelligi posse crediderim, quam absurdæ, explodendaq; sit hæc Musæ sententia. Quin nec illud consilium eius seplasiaris accipendum putauerim, quod spinæ albae, & Arabicæ loco, filicule radicem, ac sabina folia huic syrum substituere possint, & debeant, ut magis atq; magis tū usū, tum uiscera laxet. Quippe quod si tantum laxandi, ac reserandi facultate hoc medicamentum debuisset esse prædictum, non modò harum spinarum radicibus carere debebat; sed etiam rosis, lentiscina resina, Indica nardo, & malabathro expoliari: cum tamen hæc omnia mature, diligenterq; examinata, non sine methodo, ut que robur his uisceribus allatura sint, ab ipso Mesue huic syrum fuerint admixta, ne scilicet natura diuturna febre imbecillis facta, & à relaxantibus, ac admodum reserantibus medicamentis uexata, totam humorum molem alii profluuo ob contentricis facultatis amissum robur, tanquam uiribus omnibus destituta ad mortem usq; demitteret. Meminit spinæ albae Galenus lib. v. i. simplicium medicamentorum, sic inquiens. Spinæ albae radix desiccatoria est, & modicæ adstringens. Quamobrem & cœliacos, & stomachicos iuuat, & sanguinis refectiones cohibet, & œdemata illita contrahit, ac dentibus doleantibus prodest, & decoctio eius colluantur. Semen tenuis essentia, & calidæ facultatis est. Itaq; potum ijs, qui conuelluntur, conuenit.

Spinæ albae uires ex Gal.

Nomina.

Quæ planta ἄναρδα ἀραβικὴ, Spina alba Latine dicitur: Arabicæ, Bedeguard: Italice, Spina bianca.

Ἄναρδα ἀραβικὴ. SPINA ARABICA.

CAP. XIII.

20

ARABICAM spinam natura albæ spinæ similem esse constat. Ipsa siquidem stringit. Ad sanguinis refectiones, mensum abundantiam, ceterasque fluxiones radix etiamnum valet. Prouenit in asperis.

Spinæ Arabi-
æ confid.

ERRASSE eos nimirum crediderim, qui sibi persuaserunt, Arabicam spinam, cuius hic meminit Dioscorides, eam aculeatam Arabicæ esse arborem, quam Acaciam uocant. Cuius erroris illud in primis indicium est, quod nusquam consueuerit Dioscorides alicuius stirpis historiam diuersis capitibus repetere, nec etiam arbores herbis commiscere. Nam cum longa historia Acaciam arborem, que etiam Aegyptia spina uocatur, primo libro inter arbores descripsit, absurdum quidem uideretur, si eandem preter morem hic inter aculeatas herbas repeteret. Ad hoc indicium et illa ratio accedit, quod si seorsum harum plantarum historiam tradidit Dioscorides, diuersas quoq; plantas esse neceſſe est. Quamobrem non parum Ruellius hallucinatus reprehenditur, quod non animaduertiterit, in sua huiusc Arabicæ spinæ mentione, Dioscoridem hoc loco aculeatam quandam Arabicam herbam albæ spinæ in uniuersum emulam intellexisse, non autem (ut ipse putat) acaciam nuncupatam. Quæ in re non satis uirum hunc admirari possum. quippe qui non modò & Græcis, & Latinis literis sit habitus peritiſimus, ac inter eos, qui hac nostra etate de stirpium historia scripsere, facile princeps; sed qui etiam Plinij historiæ fuerit studiosissimus: quem tamen si accuratius perlegisset, ac sequi uoluisset, nunquam arbitror in eum errorem incidisset. Quādoquidem Plinius lib. x x iiii. cap. xii. alteram ab altera separauit. Et primo huius, de qua agimus, mentionem faciens, sic inquit. Spinæ Arabicæ laudes in odorum loco diximus: & ipsa spissat, stringitq; distillationes omnes, & sanguinis excretiones, mensumq; abundantiam, etiamnum radice ualentior. Quæ à Dioscoride uerbōtenus transtulisse perspicuum est. Mox meminit Arabicæ alterius spinæ, que in arborem assurgit, bis uerbis. Est & Acacie spina. Fū in Aegypto alba, nigraq; arbore, item uiridi, sed longe melior est prioribus. Eiusdem meminit etiam lib. x iiii. cap. i x. postquam Perseæ arboris materiem miris laudibus commendauit, ubi hæc habet. Nec minus Aegyptia spina celebratur in eadem gente, duntaxat nigra, quoniam incorrupta etiam in aquis durat: candida uero facile putreficit. Quibus ex locis palam est, non credidisse Plinium, unam tantum Arabicam, uel Aegyptiam esse spinam, quanvis Ruellius non ita rem accepterit. Qui item Galeni sententiam hac in re non animaduertisse uidetur: siquidem Galenus lib. v. i. simplicium medicamentorum ita scribit. Spinæ Arabicæ radix profluum muliebre iuuat, & alia quecumq; quibus auxilio est que apud nos nascitur spina: sed efficacius tamen omnia iuuant tum radix, tum fructus ipsius. Hic uero & columelle prodest, & ijs, que in sede inflata sunt: tum ulceræ ad cicatricem ducit, mediocrem habens, & non molestam adstrictionem. hæc Galenus. Qui ut has plantas diuersas habuit; ita etiam seorsum de earum uiribus differuit. Planta ἄναρδα ἀραβικὴ Græcis dicta, Spina Arabicæ Latinis pariter & Italies appellatur: Mauritanis, Suchaba.

Spinæ Arabi-
æ uires ex
Galen.

Nomina.

Σκόλυμος. CARDVVS.

CAP. X I I I .

40

CARDVVS, Græci scolymon uocant, folia chamaeleonis habet, & albæ spinæ, nigriora, & crassiora: caulem longum edit, foliosum, capite spinoso: radice nigra, & crassa. Quæ illita grauelentiam alarum, totiusque corporis emendat: item si decocta in vino bibatur. copiosam autem vrinā, foetidamque expellit. Herba cum recens tenerescit, in olera, asparagi modo, transit.

Carduorū cō-
sideratio, &
genera.

ET SI unius tantum Cardui breuiter etiam hoc loco meninerit Dioscorides; Theophrasto tamen, Plinio, ac alijs probatis auctoris, plura Cardui genera traduntur. Verum ut primum de his, quæ natura cultrice sponte proueniunt,

nunt, sermo fiat, scire sane conuenit, quod corum diuersa sunt genera: quorum tamen nomina propriis, quod sciam, non habentur. At qui Plinio lib. x x . cap. x x i i i . duo tantum eorum genera produntur: unum fruticosius statim à terra: alterum uero unicuale, & crassius. Satuorum autem, qui tum in hortis, tum in agris seruntur, multiplex est genus. Horum principem locum tenent, qui Hetruscis uulgò uocantur Cardoni. Nanque si diligenter cultura adeo teneri, si agiles, albiq; euadunt, ut magno quadam apparatu, secundis exeris pro bellariis cum sale, & pipere expectantur. Quo argumento ductus, equidem putauerim de his uerba fecisse Theophrastum lib. vii. cap. i i i i . de plantarum historia, cùm ita scribit. Quæ autem Cactus nuncupata est, in Sicilia tantum nascitur, Græcia nusquam habetur. Suigeneris planta: hoc enim statim ab radice caules repentes in terram mittit, folio lato, atq; spinoso. Caules hos cactos appellant. desquamati cibo idonei sunt, paulò amaricantes: & reseruare eos aqua salsa conditos consueuerunt, hoc Theophrastus. Nostrates, quibus ubiq; nunc Hetruria scatet, cùd ex Neapoli allati fuerunt, Neapolim uero (ut audio) ex Sicilia. Quapropter nostri cum hoc Theophrasti genere maximè connuicre uidentur, quod scripsiterit, Cactum Sicilie peculiarem esse plantam. Continentur præterea in Carduorum genere etiam ijs, quos in Italia Hetruscum uulgas appellat Carcioffi, alijs uero inibi Arebichiochi dicuntur. quorum item meminit Theophrastus eodem loco, cùm subdit. Alium uero caulem erectum producit, quem pternicem uocant. Is quoq; cibis aptus excrescit, sed reseruari non patitur. Fructus, in quo semen, echinata specie est. Verum exemptis lanuginosis seminibus, is quoq; uescendus relinquitur, & cerebro palmae similes est. hactenus Theophrastus. Qui pro palme cerebro illud, quantum equidem reor, intelligit, quod Galenus encephalon pluribus in locis appellari tradidit, & quod nunc corrumpita uoce Neapolitanis, & Siculis uulgò uocatur Cesaglione, de quo libro primo in Bdellij mentione abunde differimus. Carduorum autem, quos uulgò Carcioffi uocari diximus, nobis plura sunt genera, uaria capitis forma distingua. Siquidem proferunt omnes echinata capitula, sed aliqui spinis sursum respicientibus constant, alij uero ad terram uersis, nonnulli etiam aculeis uacant. Sunt præterea in hoc postremo genere, quibus echini in longum fastigientur, quibus uero in globum extuberent, debiscientibus in altero squamatim spicis, in altero ijsdem squamis, ueluti corticosis unguibus in unum compactis, & coagmentatis, nucis pineæ instar. Ex quo facile in eam sententiam deductus sum, ut crediderim, hanc Cardui speciem postremam nucleus pineæ emulam, esse Carduum pineam Theophrasto uocatam, quod is loco ante citato ita de ea scribat. Est Carduus pinea ab radice soligeræ: qua de media seminalis acanus, ueluti malum, extuberat. hec ille. Ceterum Cardui aculeati genus & illud est, cuius echinata capitum floribus Hetrusci coaguli uice utiuntur, eti Cardui satiu omnne genus idem suis floribus præstet. Spinis carebunt, ut hortorum cultores testantur, Carduorum capitula, si priusquam seruat semen, acuminata eius latera redundantur. Sine aculeis etiam nascuntur, si delibratis lactuca radicibus, & dissectis semina integra condantur. Vnde illud facile potuit factum esse, ut ijs, qui aculeis non rigent, humano cultu mitiores euaserint, cùm natura Carduorum omne genus spinis uicare nequeat. Cardui meminit Galenus lib. VIII. simplicium medicamentorum: nec tamen plura de eius uiribus tradidit, quām fecerit Dioscorides. Sed de temperamento differens, ei caliditatis secundum ordinem completem, aut tertium incipientem, siccitatis uero secundum assignauit. Et libro II. de alimentorum facultatibus, Carduum Cinaram appellavit, ac alimentum, quod corpori præbet, merito damnauit, quod melancholicum succum generet. Συκλυπος Nomina. ex Gal.

POTERIUS. POTERIVM.

CAP. XV.

40

POTERIVM, Iones neurada uocant, largè fruticat, cortice obductum tenui, spinis horridum, lanugine spissa, ramulis longis, mollibus, lentis, tenuibus, tragacanthæ proximis: folijs paruis, rotundis: flore exiguo, candidi coloris: semine nullius usus, sed gustu acuto, & odorato. Nascitur in aquosis, & collibus. Radices demittit binum, ternumve cubitorum, neruosas, & firmas: qua proxime terram recisa, dant succum gummi similem. Tusa, præcisissis neruis, & vulneribus glutinandis illinuntur. Decoctum quoque eius neruorum affectibus prodest.

EX REI herbarie peritis hactenus neminem reperi, qui Poterium in Italia nasci dixerit, atque ipsum ostendebat. Quamobrem facile crediderim, quod illud non procreet Italia. Nam si inibi nasceretur, fieri quidem non potuisset, quin hæc etas, quæ rerum cognitioni maxime dedita est, ipsum adiuuenisset: præsertim cum Dioscorides, ceteri scriptores Poterij faciem clarę satis descriptam reliquerint. Sed hic subit nobis mirari Cornarium uirum alioqui etatis nostræ insignem, quod primum sylvestrem putauerit uerum Poterium esse. Quæ certe sententia ut est, nico iudicio, absurdia; ita non immerito à Fuchsio medico clarissimo refellitur. Ceterum eti nobis hactenus incompletum est Poterium; non tamen omittendæ sunt eius uires, de quibus sub titulo Neuradis Galenus differuit lib. VIIT. simplicium medicamentorum, ijs uerbis. Neuras, quidam poterium uocant, desiccandi absq; morsu facultatem possidet, adeo ut & neruos incisos glutinare credatur. Radices eius potissimum sunt eiusmodi. quin & decoctam earum quidam exhibent ijs, quibus affecti sunt nerui. Id Græci πότεριον quod item Poterium Latini uocant: Itali, Poterio.

Α'κανθιον.

ΑΝΑΒΙΟΥ. ACANTHIVM.

CAP. XVI.

ACANTHIVM albæ spinæ simile, folijs aculeatis per extremitates, & lanugine araneosa obductis. ex qua collecta, & neta, uestes bombicinis similes texunt. Folia, vel radices ad remedia opifhotoni bibuntur.

Acanthij con sideratio.

Quorundam error.

Nomina.

Quod Acanthium, cuius hic inter aculeatas herbas meminit Dioscorides, in Italia nascatur, equidem affirma re non ausim. Quandoquidem haec tenus neminem inueni, qui folia alicuius aculeatae herbe mihi ostenderit, que adeo araneosa, ac subtili lanugine obducta spectarentur, ut ex ea neta uestes bombicinis similes texere quis potuissest, ut hic Dioscorides, & lib. XXII. cap. XI. testatur Plinius. Quonobrem ingenuè afferere non dubitauerim, eos magno in errore uersari, qui pro Acanthio quandam Cardui montani speciem, echino lanugine quadam obducto, demonstrant. Nam præterquam quod hæc folia habeat nulla lanugine uelata, nullo pacto que echinatum capitulum circumuestit, depechi, uel neri potest, utpote que tenuissima sit, sine uestis, fragilis, ac omnis lentois expers. Quod Greci ΑΚΑΝΘΙΟΥ, Latini similiter Acanthium, & Itali Acanthio dicunt.

+ Verba illa de lanugine non leguntur in Græcis Dioscoridis exemplaribus: que tamen hic desiderari ostendit abruptus auctoris sermo. Vnde ea non temere ex Plinio adiecerunt interpretes, eius tantum, ut puto, auctoritate fre ti. Nos uero eò audacius illa addenda putamus, quod ea legantur in Oribasij codice manu scripto, in quo ex probatissimo Dioscoridis libro ita transcripta inueniuntur. καὶ ἀράχωδης εἰς χρῶς, que ad uerbum sonant. Circa que araneosa est lanugo.

ΑΝΑΒΙΟΥ. ACANTHVS.

CAP. XVII.

Acanthi con sideratio.



ACANTHVS, Romani pæderotam uocant, nascitur in hortis, petrosis, & riguis. Folia habet multò lactucaceis latiora, & longiora, erucæ diuisura, nigricantia, pinguia, laevia: caulem binum cubitorum, digitali crassitudine, lauem, prope uerticem ex interuallis circundatum foliolis, ceu nucamenta quædam oblonga referentibus, spinosis, è quibus flos prodit albus: semen oblongum, luteum: caput thyrsi specie: radicibus nititur longis, mucosis, rubris, & glutinosis. Que uult igni, & luxatis artibus illitæ subueniunt: potæ urinam ciunt, sed aluum cohibent: ruptis, conuulsis, tabem sentientibus, mirè prosunt. Nascitur & sylvestris Acanthus, scolymo simili, aculeatus, breuior quam satius, & is qui in hortis prouenit. Cuius radix ad eadem ad que superior efficax.

CREDUNT omnes ferè huiusc temporis rei herbarie studiosi, Acanthum eam esse plantam, que nobis vulgo uocatur Branca ursina. Quorum sententie nec prorsus refragari, nec planè adstipulari possim. Nam eti in eorum opinionem multis adducar rationibus, non solum quod ijs magna sint apud me auctoritatis; sed etiam quod ipsa uidetur hanc, que Branca ursina dicitur, folijs lactucæ latioribus, longioribusq; erucæ modò laciniatis, nigricantibus, ac molli quodam leuore pinguis: caule item leui, bicubitali, pollicari crassitudine, per interualla sub ipsum usq; uerticem foliolis quibusdam oblongis, ueluti nucamentis, circundato: è quibus flos prodit candidus, & inde semen ob longum, luteumq; atq; etiam radice eadem constet, qua Acanthus; aliqua tamen relinquunt dubitatio, an Branca ursina legitimus sit Acanthus, cum foliola, que nucamenti instar illius caulem cingunt, nullis spinis horrida conspiciantur, planataq; ipsa uideatur topiarijs operibus inepta: ad que Acanthus olim (ut Plinius libro & cap. XI. auctor est) conueniens habebatur: ac etiam ea hodie ab omnibus ferè negligatur, & ueluti ignobilis planta, in perpaucis tum hortis, tū uiridarijs seratur, cum apud antiquos Acanthus celebris, & in magno honore habitus sit, ac plurimis laudibus fuerit decantatus. Neq; illud suspicionem nostram diluit, quod dixerint aliqui Acanthina folia, que in quibusdam Italiae locis marmoreis columnis, præsertimq; Corinthias imitantibus, insculpta reperiuntur, nulla prorsus linea à Branca ursina folijs differre. Siquidem contrà ijs quispiam facile respondere posset, quod eti utraq; eandem retineant formam; non ob id tamen necessariò unam & eandem speciem repræsentant. Quare quemadmodum dubium est afferere, Branca ursinam ab Acantho non differre; ita idem negare uitium esse uidetur. Cæterum ad hæc tollendam dubitationem illud

illud non parum, meo iudicio, facit, quod iisdem facultatibus Branca ursina praedita sit, quibus pollere Acanthum Di-
scorides, & Galenus memorie prodiderunt. Illud insuper addiderim, quod et si dicat Dioscorides, oriri Acanthum
caule foliolis spinosis, cetero nucamentis, prope verticem usq; ex interuallis circumuestito; potest tamen intelligi, quod
non re uera foliola illa aculeis horreant; sed quod adeo acuminata erumpant, ut sane spinis persimilia uideantur. Id
quod facile credi potest, cum ceteris omnibus notis Branca Ursina Acantho à Diocoride representato adamassim
respondeat. Neq; impedit, quod loco citato afferat Plinius, Acanthus in hortis crepidines marginum, assurgentumq;
puluinorum toros uestire. Quanuis enim nocti haud facile ex se ualeat; tamen tum caulis, tum folia ob eorum molli-
tatem, lentoremq; adeo flecti queunt, ut uimineo aliquo nexu topiario operi etiam non incommodè aptari possint. His
itaq; rationibus innexus, eos equidem non aberrasse existimo, qui Acanthus, & Branca ursinam, unam & eandem
plantam esse scriptis tradiderunt. Reperitur & sylvestris Acanthus carduo (ut Diocorides inquit) similis, spino-
sus, folijs tamen domestico angustioribus. Quocirca non ab re Plinius quoq; duo Acanthi genera constituit. Acan-
thi meminit Galenus lib. vi. simplicium medicamentorum, sic inquiens. Acanthus, alij quidem Melamphyllum nomi-
nant, alij uero Pederota. Folia quidem medio rittere digerentem facultatem obtinent. At radix exiccatoria est, et le-
siter incisoria, & tenuium partum. Planta, que Græcæ ἄναρδος, Latinæ similiter Acanthus nominatur: Ital-
icæ, Acantho, & Branca ursina: Germanice, Beren kluu: Hispanice, Yerua gigante, & Branqua ursina: Galli-
ce, Branize ursina. Que uero Græcis ἄναρδα ἄγειται, Latinis Acanthus sylvestris uocatur: Italis, Acan-
tho saluatico.

Acathi facul-
tas ex Gal.

Nomina.

A'νωνις, Η'νωνις. ANONIS, SIVE ONONIS.

CAP. VIII.

admonitus.
obstinate

Anonidis co-
sideratio.

Anonidis hi-
stor. ex Theo-
phrasto.

admonitus.
obstinate



A N O N I S, quam aliqui ononida appellant, ramos habet fruticosos, dodrantales, aut maiores, frequentibus geniculis cinctos, cauis alarum multis, capitibus rotundis: folijs lenticulae, tenuibus, pusillis, ad rutæ, aut pratenis loti folia accendentibus, subhirsutis, odoratis, non iniucundè olentibus. Muria condituri, antequam spina-
fa fiat, cibis gratissima. Rami acutioribus spinis, & ueluti spiculis firmioribus horrent. Radicem mittit candi-
dam. Quæ excalfacit, & extenuat. huius cortex ex uino
potus urinam ciet, calculos comminuit, margines ulce-
rum erodit. Radix cum decoquitur in posca, dolorem
dentium collutione mitigat. Decoctum eius potu hæ-
morrhoidas sanare creditur.

N A S C I T U R Anonis in pratis, cultis, atq; etiam incul-
tis locis, arido præsertim solo: folijs tenuibus lenti modo, pusili-
lis, que ad rutæ, uel pratenis loti effigiem proxime accidunt, ac
ceteras omnes notas refert, quibus à Diocoride depingitur. Ru-
sticus ob id notissima est, quod non modò suo ramorum, ac radicum
implexu, aratra inuitis bubulcis in medijs agrorum sulcis saepius
remoretur, unde Resta bouis compluribus nominatur; sed quod e-
tiam messoribus, & foenisectis spinis suis acutis admodum sit infes-
ta. Nam et si prædura, callosaq; sit eorum cutis; eam tamen suis
perforat aculeis, quibus quasi spiculis, cum maturuerit, horrida
conficitur. Insubres hanc uulgò Bonaga uocant. Ceterum quan-
uis floris eius nihil meminerit Diocorides; constat tamen flore
plerunque purpureo subalbicante, interdum tamen aureo. Sed
haec quibusdam in locis aculeis uacat. Meminit Anonidis, ono-
nidis nomine, Theophrastus libro vi. cap. v. de plantarum bi-

50 storia, sic scribens. Ononis ramis aculeigerum est, anno tantum perdurans, folio rutæ similis, sed per totum
caulem appositio, ut ueluti coronam ex interuallis tota species repræsentet. Florem minutulum, & in siliqua non
undique septum edit. Nascentur glutinoso, latè solo, & præcipue in segetibus, atque cultis: qua de causa agric-
colis inuicta exit. Viuax admodum est. Cum enim altam nocte tellurem fuerit, protinus sua infima pellit: & sine
gulis annis, surculis in latus emisis, rursus postero anno deorsum uersus pellere solita est. Ideoq; effodienda tota,
extirpandaq; penitus est. Incipit germinare aestate, perficiturq; autumno. hactenus Theophrastus. Huius quoque
mentionem fecit Plinius lib. xxvii. cap. iiiii. ubi sic inquit. Anonim, quidam ononida malunt uocare, ramosam,
similem sceno Græco, nisi si nitidior, hirsutiorq; esset, odore tuncundo: post uer spinosa. hec Plinius. Qui tamen hac
in re errasse deprehendit: siquidem non post uer Anonis spinosa redditur, sed (ut Theophrastus author est) in au-
tumno. Id quod etiam experimento comprobatur. Anonidis radix uim maximam præstat ad renum calculos com-
minuendos, expellendosq; obstruclis præsertim urinæ meatibus. quod multorum testimonio compertum est qui cal-
culo affecti, ubi tantum radices corticum puluorem ex uino diutius bibissent, priuam sanitatem recuperarent. Noui

H ego

Anonidis ui-
res ex Gal.

Nomina.

quendam, qui huiusce radicis puluere duntaxat pluribus mensibus sumpto, carnosum ramicent absumpsit, et sa-
natus est: licet a medicis nullo alio medicamento, quam sola sectione, iustioneq; hunc curari posse antea statutum
esset. Anonidis uires descripsit Galenus lib. VIII. simplicium medicamentorum, sic inquiens. Ononis radicem
habet tertio quadantenus ordine excalcentem. Cortex eius maximè est utilis, habens quippiam et abstorsorium,
et incisorium. Proinde non tantum urinas prouocat; sed et lapides confringit. Eadem facultate et crustas cito de-
trahit. Utuntur porro ea quoque et ad dentium dolores, in oxycrato decoquentes, et collui decocto iubentes.

Huic plantæ nomen Græcum est ὄνοις, et ὄνοις: Latinum item, Anonis, et Ononis: Italicum, Anoni-
de: Germanicum, Hauhechel, et Stallkraut: Hispanicum, Gatilhos, et Gathinos: Gallicum, Bugraues, et
Bugrandes.

Aeu[n]an[ia]. LEVCACANTHA.

CAP. XIX.

LEVCACANTHA, prædicta est radice cyperi, va-
lida, & amara. Quæ manducata dolorem dentium se-
dat: ueteri laterum dolori, atque ischiadicis prodest;
decocto cyathis tribus ex uino poto. Eadem ruptis, &
conuulsis medetur. Radicis epotus succus eosdem præ-
bet effectus.

Leucanthz
consideratio.

Ruel. lapsus.



Brasauoli er-
ror.

IN manifesto errore uersantur, qui sentiunt, Leucacantham, 20
hoc est, albam spinam, de cuius historia, et uiribus hoc capite tra-
ctatur, ab Acantha leuce, id est, spina alba, de qua paulò superius
differimus, nullo pacto differre. Quæ in sententia, uel potius era-
orre, fuere nonnulli ex recentioribus, alioqui rei herbarie peri-
ti. In quorum etiam numero Ruellius fuisse ex eo maxime de-
prehenditur, quod cum debuisset, more suo, post Anonidis tra-
ctionem, cuius titulo spinam album quoq; adiunxerat, quam tamen
albam spinam nominasse rectius forte erat, eiusdem albae spine hi-
storiā reserue, ex industria eam silentio præterijt. Nam cum
existimasset, alteram ab altera non distingui, non opus esse iudi-
cavit, earum historiam in Alba spina repetere, quam antea in Spi-
ne albae mentione tradiderat. Quo tamen in loco ab errore uin-
dicari non potest: quippe quoniam postquam spinæ albae, quam
Mauritani Bedeguar appellant, meminerit, alteram eius nominis
spinam subdidit, que cùm in arbustum undiq; aculeis armatum as-
surgat, sepibus extruendis rusticis nostratis maximè expeti-
tur. Non tamen ob id declarat ipse banc esse Leucacantham:
sed lubrico quodam lapsu, quasi sui ipsius, et cuius spinæ albae
mentionem faceret, oblitus, in capitī calce aculeata illius arbū-
sculae radicibus, que (ni fallor) candida est Dioscoridis rham- 40
nus, omnes tribuit facultates, quibus legitima spina alba à Dio-
scorde commendatur. Qui quidem Ruellij error omnibus euidentior est, quam ut pluribus refelli postulet. Quod au-
tem differant inter se Acantha leuce, et Leucacantha, non modo Dioscorides inter ceteros simplicium medicamento-
rum scriptores facile princeps ostendit: sed Galenus etiam, et Paulus, qui præterquam quod alteram ab altera diuer-
sis capitibus distinxerunt, earum singulam differe nitibus facultatibus præditam esse tradiderunt. Quorum sententiae
subscribit Plinius: nā de Acantha leuce differens lib. XXII. cap. XI. sic inquit. Spinæ albae semen cōtra scorpio-
nes auxiliatur. Corona ex ea imposita capitī dolores minuit. Sed uires longē alias ab his Leucacanthæ idem retulit
lib. XXII. cap. XVI. ubi sic habet. Leucacantham alij phylon, alij ischiada, alij polygonaton appellant, radice cy-
peri, quæ comm. inducata dentium dolorem sedat. Item laterum, et lumborum (ut Hic sius tradit) semine poto drach-
mis octo, aut succo. Eadem ruptis, conuulsisq; medetur. hæc Plinius. Que quidem uidisse debuerat Ruellius, alioqui 50
Pliniane historie studiosissimus: aut certè Hermolaο doctissimo uiro credidisse, à quo (et si nunquam illum citet) inte-
gra quandoq; capita, in mō (pace eius dixerim) integrū frē surripuit opus, ita ut is omnibus illud suum fecisse uideatur.
Siquidem Hermolaus, cùm in Leucacantha, tum alias sēpenumero commonuit in suo Corollario, hanc ab acantha leu-
ce differre. Porro illud etiam nobis silentio non disimulandum, ut ingenuè quod sentimus de simplicibus dicamus,
quod Leucacantha herba est, non autem arbuscula sepibus conficiendis idonea, ut falsò, mea quidem sententia, Musa
Brasauoli suo de syrupis libello in eupatorij syrupo existimat. Nam hoc loco de herbis tantum, et non de arbusculis
scribit Dioscorides: qui nimis in stirpium historia peritisimus, arbusculam illam suprà libro primo inter Rhanni
genera descripsit, et sub candido, ut puto, complexus est. Ceterum cùm nec Dioscorides, nec Plinius tradat, quibus
folijs, quo caule, flore, ac semine Leucacantha proueniat, difficile quidem fuerit inter tot aculeatarum stirpium ge-
nera, unam secernere, quæ uerè Leucacanthæ repræsentet. tametsi damnandus i squalquaq; non esset, qui dixerit Leu-
cacantham esse fortasse aculeatum illum Carduum, de quo in Acantha leuce diximus, cuius folia albis quibusdā macu-
lis

lis depinguntur. Nam preterquam quod coniectura quadam dici posset, eam à maculis illis albicantibus sibi Leucacanthæ nomen adinuenisse, radicis etiam ipsius tum durities, tum amaritudo, et si forma cyperina non emuletur, consentire uidentur. Sed hoc potius disputandi, quam afferendi gratia proponimus: cum adhuc nihil certi nobis compertum sit. Leucacanthæ uires paucis perstrinxit Galenus lib. VII. simplicium medicamentorum, sic inquiens. Leucacanthon, quidam autem polygonaton, aij iſchiada nuncupant. Huius amara radix est, ac proinde incidit, & excitat in tertio ordine: in calfaciendo autem ex primo est ordine. Λευκανθά quæ Græcis, Alba spina Latinis appellatur: Italis, Bianca spina.

Nomina.

Leucacanthæ
uires ex Gal.

Τραγακάνθα. TRAGACANTHA.

CAP. XX.

20

TRAGACANTHÆ radix lata, & lignosa summo cespite nititur: unde surculos humiles, robustos, latissimè fundit: in quibus minuta folia, multa, nonnunquam tenuia exoriuntur: quæ sub se spinas albas, rectas, & firmas occulunt. Est etiānum tragacantha lacryma, quæ vulnerata radice manans, concreuit. Præstat pellucens, gracilis, lœuis, syncera, & subdulcis. Cutis spiracula, ut gummi, obstruit. Huius increbuit usus ad oculorum medicamenta, ad tuſsim, exasperatas fauces, retusas uoces, cæterasque destillationes, cum melle in delinētu: subdita quoque linguae liqueſcit. In passo macta, drachmæ pondere bibitur, contra renūm dolorem, & uelicæ roſiones, mixto cornu cerui uito, & eloto, aut ſcissi aluminis momento.

30



TRAGACANTHÆ plantam, à qua effigiem, quam hic exhibemus, de prop̄ ſimilis, iam pridem ad nos misit quidam rei herbarie studiosus, qui illam attulerat ex Apulia Gargano monte. Ea certe est, quæ nullis prorsus notis à Dioscoridis historia diſſentiat, ut ex eius pictura omnibus liquido conſtare potest. Cæterum lacryma ē vulnerata radice manans, quam ſeplasarij uulgò uocant Gomma draganti, paſim in officinis concreta uitetur, ē Creta, Asia, & Græcia aduecta. At non modò hæc (ut Dioscorides inquit) ē vulnerata prius radice manat; ſed etiam ſponte (ut Theophrastus est author) ab ea ſcifo in latere cortice diſſillat. Sed hanc, qua utimur, Monachi illi reverendi, qui in Mesuem commentarios ediderunt, ueram esse Tragacanthæ lacrymam negant, quod legitima lingue subdita facile, Dioscoridis testimonio, colligunt: hæc uero nūquā, cum lingue ſuppoſita adeo lenta, tenaxq; euadat, admixta ſalina, ut nullo ſere temporis trac̄tu diſſolui liquariq; poſit. Qua quidem in re iſ (pace eorum dixerim) toto celo aberrant, ut qui Dioscoridis ſententiam perperā acceperint. Siquidem Dioscorides non de ſola lacryma lingue subdita, ſed in eclegmate cum melle conformata, illud fieri ſcribit, cū inquit. Uſus eius ad oculorum medicamenta, ad tuſſes, exasperatas fauces, retusas uoces, cæterasq; destillationes, cum melle in delinētu: liqueſcitq; ſue biecta lingue. hæc Dioscorides. Ex quibus palam est uoluiffe Dioscoridem Tragacanthæ lacrymam non ſolam, & per ſe tantum, ſed in eclegmate cum melle paratam lingue ēſſe ſubiſciendam, ut clarissimorum medicorum instituitione fieri adſolet cum bechicis catapotis, & diatragacanthæ trochicis, quibus ipſa commiſſetur. Quippe cū oporteat medicamenta, quibus apera arteria, pulmo, ac pectus uniuersum expurgari debent, quadam temporis diuturnitate ore retenta, uel lingue ſubdita ſenſim, leniterq; liqueſcere, ut commode in tracheam percolentur arteriam, uoluit hic Dioscorides eclegmatis uſum recta methodo diſcribere. Nam ſi huiusmodi medicamenta deuorarentur, nihil prorsus proficerent, cū ita non in pectus & pulmones deferantur, ſed in uentriculum. Huic & alia accedit ratio, quod ſi intellexiſſet Dioscorides lacrymam per ſe tantum lingue ſubmittendam, ſubiunxiſſet quidem, ut ſui moris eſt, quibus in morbis id ſatiſtantum eſſet. quandoquidem plani absurdum uideretur ſcribere, quod aliquod gummi lingue ſubiſciatur, paulatimq; liqueſcere cogatur, ac deinde silentio inuoluere, quibus in morbis id faciendum. His itaque rationibus non modo recte, meo quidem iudicio, intelligi potest uoluiffe Dioscoridem, eclegma, quod Tragacanthæ lacrymam exceperit, lingue ſubiſciendum eſſe, non ipsam tantum lacrymam; ſed etiam Monachos in hoc, ut aliás ſepe, deceptos eſſe. Tragacanthæ uires scriptas reliquit Galenus libro VIII.

Monachorū
erratum.

H 2 simplicium

Tragacantha simplicium medicamentorum, his paucis uerbis. Tragacantha similem gummi uim obtinet, emplasticam quandam, & acrimoniam hebetiorem (legunt aliqui, quae acrimoniam obtundit.) Et sanè similiter illi dessecat. Τραγάνθα

Nomina. sic Græcè, ut etiam Latinè, & Italicè, Tragacantha uocatur: Arabicè, Chittra, Itica, Chateth, Alcuted, seu Alcha= ihad: Germanicè, Dragant: Hispanicè, Alquetira.

ERYNGIVM.



Hεύγιον. ERYNGIVM.

ERYNGIVM MARINVM.



CAP. XXI.

ERYNGION aculeatarum generis. Cuius folia in principio, sale condita, in cibos recipiuntur. Lata autem sunt, & extremo ambitu aspera, gustu aromaticæ: sed ubi adoleuerunt, circa complures caulinum eminentias in spinas aculeantur. in quorum summitatibus globoſa capitula, duraru, acutissimarumque spinarum ambitu stellatim circumuallantur, quorum colos alias uiridis, alias albus, interdum coeruleus inuenitur. Radix oblonga, lata, foris nigra, internè candida, pollicis crassitudine, odorata. Nascitur in asperis, & campestribus. Vim habet calſactoriam. Pota menses, & urinas pellit: tormina, inflationesque, discutit: contra iocinerum uitia, serpentum, morsus, & hausta uenena, cum uino prodest: bibitur aduersus plurima, cum seminis pastinacæ drachma una. appensa, illitave, tubercula discutere prodit. Pota cum hydromelite radix, opifhotonicis, & comitalibus medetur.

Eryngij con-
ſideratio.

LONGE quidem aberrant seplasarij Senenses in Eryngij cognitione, utpote qui pro Eryngij radicibus af- 50 fuman aculeate cuiusdam stirpis radices, quam Cacatreppola uulgò uocant. Hinc error omnibus facile depre- benditur, quod nulla penitus illius plantæ nota eryngio respondeat. Legitimum Eryngium, quod, meo iudicio, Dio- scoridis descriptioni nihil refraget, frequens inuenitur prope Tridentina mœnia, ac in Goritiensi agro, quin & in compluribus Italie locis. Est & Eryngium marinum, quo Veneta litora undiq; referta spectantur. Aſſurgit hoc folijs altero latioribus, circinato ambitu spinosis: radicibus longioribus, mollioribusq; ſaccharo aſſeruandis lon- ge magis idoneis, quam alterius. Huic tameſi non meminerit Dioscorides; Plinius tamen lib. xxii. cap. vii. utriusque historiam tradidit. Quo fit, ut eorum ſententiam minime probauerim, qui Eryngium marinum Croco- dilium eſſe existimant, ut in crocodilijs mentione ſuperius diximus. Sunt & qui credant, Eryngium Mauritanijs à Secacul non diſſerve. Veruntamen iſ quoque hallucinantur: nam cum Serapio in capite de Secacul, neque Diſco- ridem, neque Galenum citet, quos maximè in ſimplicium historia ſequitur, quorumiq; dicta bona fide refert, ſed tantum ſue gentis auctoribus nitatur, clarissimum præbet indicium, Secacul diuersum fuſſe, & plantam Græcis inco- gitam.

Quorundam
errores.